



**REPUBLIKA E SHQIPËRISË**  
**Kuvendi**

**PROJEKTLIGJ**

Nr.\_\_\_\_\_/2018

**PËR**

**DISA SHTESA DHE NDRYSHIME NË LIGJIN NR.10129,**  
**DATE 11.5.2009, “PËR GJENDJEN CIVILE”, TË NDRYSHUAR**

Në mbështetje të neneve 78, 81, pika 1, dhe 83, pikat 1 e 2, të Kushtetutës, me propozimin e Këshillit të Ministrave, Kuvendi i Republikës së Shqipërisë

**V E N D O S I:**

Në ligjin nr.10129, datë 11.5.2009, “Për gjendjen civile”, të ndryshuar, bëhen këto shtesa dhe ndryshime:

**Neni 1**

Në pikën 7, të nenit 2, pas fjalëve “... janë emrat ...”, shtohen fjalët “... dhe mbiemrat ...”.

**Neni 2**

Pas pikës 3, të nenit 27, shtohet pika 3/1, si më poshtë vijon:

“3/1. Aktet e lindjes, të martesës dhe të vdekjes, të mbajtura nga shërbimi i gjendjes civile të vendeve të huaja, mund të paraqiten në zyrën e gjendjes civile në bashki/njësi administrative edhe nga vetë shtetasit.”.

### **Neni 3**

Në pikën 2, të nenit 33, fjalia e parë ndryshohet, me këtë përmbajtje:

“Regjistri Kombëtar administrohet nga institucioni përgjegjës, i përcaktuar me vendim të Këshillit të Ministrave.”.

### **Neni 4**

Në nenin 36 bëhen këto ndryshime dhe shtesa:

1. Titulli i nenit ndryshohet dhe bëhet “Plotësimet dhe korrigjimet në Regjistrin Kombëtar”;
2. Pas shkronjës “c” shtohet një paragraf, me këtë përmbajtje:

“Për korrigjimin si gabim të provuar material të rubrikës së emrit, mbiemrit, emrit të babait, emrit të nënës, ndiqet procedura e parashikuar në nenin 57/7 e vijues të këtij ligji.”.

### **Neni 5**

Në fjalinë e tretë, të pikës 1, të nenit 60, hiqet fjala “... administron ...”.

### **Neni 6**

Pas nenit 64 shtohet neni 64/1, si më poshtë vijon:

“Neni 64/1

Marrëdhënia e punës së nëpunësit të shërbimit të gjendjes civile

Marrëdhënia e punës së nëpunësit të shërbimit të gjendjes civile në bashki/njësi administrative dhe në zyrat e arkivit të gjendjes civile pranë prefektit të qarkut rregullohet sipas dispozitave të Kodit të Punës.”.

### **Neni 7**

Shkronja “c”, në nenin 65, shfuqizohet.

### **Neni 8**

Në pikat 2 dhe 3, të nenit 68, hiqen fjalët “... njësisë administrative ...”.

## **Neni 9**

Në nenin 69 bëhet shtesa dhe ndryshimi, si më poshtë vijon:

1. Në shkronjën “a”, në fund të fjalisë shtohen fjalët “... dhe ofrojnë shërbimin e gjendjes civile për shtetas që kanë vendbanimin brenda juridiksionit territorial të tyre;”;
2. Shkronja “dh” ndryshon, me këtë përmbajtje:

“dh) informojnë kryetarin e bashkisë/njesisë administrative si dhe zyrat e arkivit të gjendjes civile pranë prefektit të qarkut për veprimtarinë e tyre, sipas kërkesës së tyre.”.

## **Neni 10**

Në nenin 72, fjalët “... regjistrat e gjendjes civile ...” zëvendësohen me “... Regjistrin Kombëtar ...”.

## **Neni 11**

### **Dispozitë kalimtare**

Gjoba e parashikuar për shkeljen ose mosrespektimin e dispozitës së përcaktuar në shkronjën “ç”, të pikës 1, të nenit 74, të ligjit nr.10129, datë 11.5.2009, “Për gjendjen civile”, të ndryshuar, pezullohet për 6 muaj, nga hyrja në fuqi e këtij ligji.

## **Neni 12**

### **Hyrja në fuqi**

Ky ligj hyn në fuqi 15 ditë pas botimit në “Fletoren zyrtare”.

**K R Y E T A R I**

**GRAMOZ RUÇI**